

U skladu sa članom 7. Odluke o nabavci i korištenju sredstava za rad organa Općine Tuzla („Službeni glasnik Općine Tuzla“, broj 1/14) i članom 11. Odluke o prodaji rabljenih vatrogasnih motornih vozila u vlasništvu Grada Tuzle, broj: 02/11-A-14504-2020 od 11.11.2020.god. („Službeni glasnik Grada Tuzla“ broj: 15/20), Služba civilne zaštite Grada Tuzle objavljuje:

JAVNI OGLAS **za prodaju rabljenih vatrogasnih motornih vozila u vlasništvu Grada Tuzle**

Predmeti prodaje su rabljena vatrogasna vozila u vlasništvu Grada Tuzle (u daljem tekstu: vozila).

VOZILA KOJA SU PREDMETI PRODAJE SU:

Redni broj	NAZIV VOZILA	Stanje vozila	Broj motora Broj šasije	GODINA PROIZVODNJ	Inventurni broj
1.	N-3 TERETNO VOZILO TAM 190T 15B	Loše, nepokretno	Broj motora: F6L413F91100665 Broj šasije: VZ2190015MTT015	1991.	PVB/0144
2.	N2- TERETNO VOZILO TAM 80 T 5B	Zahvaćeno korozijom, nepokretno	Broj motora: Y871M56986 Broj šasije: 860003402	1986.	PVB/0135
3.	N-3 TERETNO VOZILO FAP 1520	Zahvaćeno korozijom, nepokretno	Broj motora: 8647 Broj šasije: 62310	1977.	PVB/0138

OPŠTI USLOVI PRODAJE

Prodaja vozila će se obaviti prikupljanjem pisanih ponuda.

Osnovni kriterij za izbor najpovoljnijeg ponuđača je najviša ponuđena kupoprodajna cijena. Vozila se prodaju u viđenom i zatečenom stanju, bez prava kupca na naknadne reklamacije i prigovore po pitanju kvalitete i nedostataka na vozilima.

Vozila nisu registrovana.

Početne prodajna cijena po kojoj će se vršiti prodaja pojedinačnih vozila iznose:

1. Za N-3 TERETNO VOZILO TAM 190T 15B (godina proizvodnje 1991.) početna prodajna cijena iznosi 3.403,05 KM,
2. Za N2- TERETNO VOZILO TAM 80 T 5B (godina proizvodnje 1986.) početna prodajna cijena iznosi 2.000,00 KM,
3. Za N2- TERETNO VOZILO FAP 1520 (godina proizvodnje 1977.) početna prodajna cijena iznosi 2.000,00 KM.

Dostavljene ponude sa nižim iznosom od navedenog iznosa neće se razmatrati.

Ponuđač je dužan uplatiti kaparu u iznosu od 100,00 KM za svako pojedinačno vozilo na koje se odnosi ponuda, na depozitni račun Budžeta Grada Tuzla, broj 1321000185060197, otvoren kod NLB Banke d.d. Sarajevo, vrsta prihoda 721239, budžetska organizacija 1201001.

Pored plaćanja iznosa kupoprodajne cijene kupac snosi sve druge troškove kao što su troškovi utovara, transporta, istovara, i sl.

Potencijalni ponuđači mogu izvršiti razgledanje i uvid u vozila na adresi Ul. Mitra Trifunovića Uče broj 1 u Tuzli (u krugu Vatrogasne ispostave Kreka), svakog radnog dana od 8,00 do 16,00 sati.

Dodatne informacije u vezi sa predmetnom objavom mogu se dobiti svakog radnog dana, na broj telefona: 035/364-255, ili putem e-mail sluzba.cz@tuzla.ba i vatrojed@tuzla.ba

USLOVI ZA UČEŠĆE

Pravo učešća u postupku javnog nadmetanja –prikupljanjem zatvorenih pismenih ponuda imaju sva fizička i pravna lica.

Ponuđač podnosi ponudu na obrascu, koji je sastavni dio ovog javnog oglasa.

Ponuda mora sadržavati:

1. Podatke o ponuđaču (ime i prezime, adresa fizičkog lica odnosno naziv i sjedište pravnog lica
2. Fotokopiju lične karte za fizičko lice odnosno fotokopiju izvoda iz sudskog registra za pravna lica (ovjerena fotokopija)
3. Dokaz o uplaćenju kapari u iznosu 100,00 KM za svako pojedinačno vozilo na koje se odnosi ponuda
4. Broj računa ponuđača za slučaj povrata kapare ponuđačima čija ponuda ne bude prihvaćena
5. Ponudenu cijenu
6. Podatke o vozilu na koje se odnosi ponuda

Ponude se dostavljaju poštom ili lično putem pisarnice Grada Tuzle, u zatvorenoj koverti, na adresu:

GRAD TUZLA,
SLUŽBA CIVILNE ZAŠTITE,
Ul. Aleja Alije Izetbegovića broj 4, 75000 TUZLA
sa naznakom

„Prijava na javni oglas za prodaju rabljenih vatrogasnih motornih vozila–NE OTVARATI”

Javni oglas će biti otvoren 10 dana od dana objavljivanja, odnosno do 05.03.2021. godine. Na poleđini koverta potrebno je navesti ime i prezime, odnosno naziv i adresu ponuđača.

Ponude dostavljene nakon navedenog roka, neće se uzimati u razmatranje.

Postupak javnog otvaranja prispjelih ponuda obaviti će se dana 10.03.2021.godine, u 10 sati, u prostorijama GRADA TUZLA, adresa ZAVNOBiH-a br.11, Tuzla (prizemlje –Sala za sastanke).

Otvaranju ponuda mogu prisustvovati svi učesnici javnog oglasa (fizička lica lično ili po punomoćniku, te lica koja su ovlaštena da zastupanje pravnog lica).

Komisija će razmotriti prispjele ponude, o čemu će sačiniti zapisnik o otvaranju ponuda.

Na prijedlog Komisije, Gradonačelnik, odnosno osoba koju on ovlasti posebnim rješenjem, će sa najpovoljnijim ponuđačem zaključiti Ugovor o kupoprodaji vozila.

U slučaju da najpovoljniji ponuđač odustane od zaključenja ugovora, gubi pravo na povrat položene kapare.

Učesnicima koji ne ostvare pravo na kupovinu vozila, uplaćena kapara će se vratiti u roku od 10 dana.

Kupac je dužan da po potpisivanju Ugovora, najkasnije u roku od 3 (tri) dana, uplati ugovoreni iznos na depozitni račun Grada Tuzla broj: 1321000185060197, otvoren kod NLB Banke d.d. Sarajevo, vrsta prihoda 721239, budžetska organizacija 1201001.

Ukoliko kupac u ostavljenom roku od 3 dana od dana potpisivanja Ugovora ne izmiri svoju obavezu, i dokaz o uplati ne dostavi u Službu civilne zaštite Grada Tuzla, smatrat će se da je odustao od kupovine i jednostrano raskinuo Ugovor. U tom slučaju će se zaključiti novi Ugovor sa ponuđačem koji je dostavio slijedeću po redoslijedu najvišu ponudu.

Kupac je dužan nakon dostave dokaza o uplati kupoprodajne cijene, umanjene za iznos kapare, preuzeti vozila koja su predmet prodaje, i ista odmah odvesti iz kruga Vatrogasne ispostave Kreka, a najkasnije u roku od 7 dana od dana potpisivanja ugovora, uz obavezno sačinjavanje zapisnika o primopredaji vozila.

Podnošenjem ponude ponuđač prihvaća rok valjanosti ponude od najmanje 30 dana od zadnjeg dana za podnošenje ponude.

Služba civilne zaštite

OBRAZAC

**PONUĐA ZA RABLJENO VATROGASNO MOTORNO VOZILO
U VLASNIŠTVU GRADA TUZLE**

NAZIV PRAVNOG LICA / IME I PREZIME FIZIČKOG LICA

Adresa: _____

Kontakt telefon: _____

ID broj (za pravna lica) _____

JMBG (za fizička lica) _____

Broj poslovnog računa (za pravna lica) _____

otvoren u _____

Broj tekućeg računa (za fizička lica) _____

otvoren u _____

Ovlaštena osoba za zastupanje: _____

U skladu sa objavljenim Javnim oglasom dajem slijedeću:

P O N U D U

na iznos od _____ KM (slovima: _____) za
rabljeno vatrogasno motorno vozilo u vlasništvu Grada Tuzle (naziv vozila)
_____.

Rok valjanosti ponude je 30 dana od zadnjeg dana za podnošenje ponude.

PRILOG:

-fotokopija lične karte za fizičko lice odnosno fotokopija izvoda iz sudskog registra za pravna lica
(ovjerena fotokopija)

-dokaz o uplaćenju kapari u iznosu od 100,00 KM

Mjesto: _____

m.p.

PONUĐAČ

Datum: _____

*ponuda mora biti ovjerena pečatom ukoliko je ponuđač pravno lice